

سرخ و علك

صاحب امتیاز و مدیر مسئول : عثمان قهرمان
هر نوع محررات مدیر مسئول نامنه کوندرملیدر

اداره خانه سی باب عالی قارشوسنده نومرو - ۷۷ سنه لك آونہ سی اون بش غروش ممالك اجنیه به درت بحق فرانتقد

نومرو ۷
بجشنه
اون بش کونده بردفعه نشر اولنور
۱۰ مارت
سنه ۳۲۷

سیاست اقتصادی

« ۲ »

کچنکی مقاله مزده، مصارفات دولیه نك تدریجاً فقط لاینقطع تزیادی اسبابی ایضاح ایتشدك .
بومقاله دهده مصارفات مذکوره نك تأمین وایفاسی ایچون دولتلرک مراجعت ایده کلدکلی منابع وارداتدن ، و منابع مذکوره به - سیاست اقتصادی داخلیه نك مهم بر قسمتی تشکیل ایدن - طرز مراجعتدن بحث ایده جکیز .

دولتلرک منابع وارداتی اوچدر . (۱) املاک امیریه (۲) تکالیف (۳) استقراضات .

برنجی مقاله مزده سولدی کمزوجهله استقراض چوروك وسقیم بر منبعدر : چونکه استقراض ایدیلان مبالغ ، ایلک سنه بودجه سنده واردات اوله رق کوستر لسه بیله ، فائض ورأس المال تأدیات سنویه سی ایکنجی سنه بودجه سنده ، تحقق و ضروری بر مصرف اوله رق دیکلیر قالیر .

املاک امیریه نك نه درجه لره قدر صحیح منابع وارداتدن اولدینی و حکومتك ملك صاحبی اولوب

اوله میه جنی خصوصنده کی نظریه لر بر بحث مستقل تشکیل ایده جک قدر اوزون اولدیقتدن بونظریه لرک تشریحی بشقه بر مقاله به براقه رق حکومتلر ایچون الک حقیقی منبع واردات اولان تکالیفه ، ویرکولره کچلم :

آدام اسمیت : « ویرکو ، خدمات عمومی مصارفی ایچون تبعه نك بهرندن طلب ایدیلان حصه در « دبور . حالبوکه ویرکولر دائماً خدمات عمومی به صرف ایدیلرلر .

مثلاً : مملکتك امور نافع سی ، معارفی ، مدافعه سی نامنه صرف ایدیلان پاره لر ایچون آلتان ویرکولر ، خدمات عمومی مقابلی اولان صرفیاتدن هر فرد اصابت ایدن حصه اوله بیلیر . فقط استقراض ایدلش ، بیلک فائض ورأس المال تأدیاتی خدمات عمومی به صرف ایدلش بر پاره دکلدکرکه افراددن برینک بو مصرف ایچون ویردیکی پاره کوردیکی بر خدمتک مقابلی اولسون . شو حالده بوتعریف طوغری دکلدکر .

مؤنثه سکیو « بردولتک ایرادی تبعه در ، بهرینک ثروتندن آیردینی و ویردیکی قسمدر .

احتیاجی دفع ایچون آلمان ویرکولر ، سرمایه
ملیک ایشلملی ایچون اولسه بیله مصارفات
حریبه ایچون آلمان ویرکولر بویه دکلدر .

مهره مالیندن پول له روا بولیوده : « ویرکو
ملاتک مصارف عمومی و تعهدات مشترک سنه کفایت
ایچون هر فرد اصابت ایدن خصه مجبوره در »
دیور . معلم محترم صدر اعظم حق پاشا حضرتلری
تعریف مذکور دن دها متقح و دها سلیس اوله رق
« ویرکو ، مصارف حکومتن هر کسک حصه سنه
اصابت ایدن «بلغدر» دیشلردر . حالوکه محترم
استادک زنکین «فکره سی قارشوسنده ، درین بر
حسن انجال و احترام ابله سنه لرجه بولنش و بیانات
عالمانه لرندن بر اشتیاق متحیره استفاضه فرصته
نائل اولمش برشا کرد عرفان وضعیله سویلیورم که
بو تعریفده تام دکلدر . چونکه ، مصارف عمومی دن
هر فرد اصابت ایدن حصه عین دکلدر که ویرکو
اومعین اولان حصه به مقابل آلمش برپاره اولسو .

«مکلفه» حکومتک مصارف عمومی سی شودر .
شوقدر مکلف وار . بومصرفدن عند التقسیم سنک
حصه گده شو دوشبور ، ویر « دیه بیلیرمی یز .
بناءً علیه الک طوعری تعریف شو اولق لازم
کلیر . « ویرکو ، مصارف عمومی به اشتراک ایچون
هر فردک تأدیه سنه مجبور اولدینی ، «قداری» عین
«بلغدر»

ویرکولرک ممکن مرتبه عدل و انصافه یقین
اوله رق وضع و توزیع ایدلمش بولنسی ایچون آدم
اسمیت طرفندن در میان ایدیلان درت «هم قاعده به
رعایت لازمدر . شویله که :

اولا : تبعه دن بهری مصارف عمومی به
ممکن مرتبه کندی اقتدر و ایرادیه متناسب اوله رق
اشتراک ایش اولمیدر .

یعنی ویرکو ممکن مرتبه عادلانه توزیع ایدلمیدر .
مثلاً یوز غروش ایرادی اولاندن برغروش

یونی ویرمکدن مقصد الله قالار قسمک تحت
ایتمده بولنسی و بوندن خوشیجه انتفاع
و استفاده ایده بیلیمیدر» دیشدر . تبعه دن بهرینک
تروندن ایردینی قسم ، ویرکولرک برصفتی اوله رق
قبول ایدله بیله تأدیه کی مقصد ، مونسکیوجه
دوشونیلن مقصد اوله ماز . چونکه ویرکو وظائف
متنوعه حکومتک حسن ایضایی ایچون طرح
و تحصیل اولتور .

حالبوکه وظائف حکومت ، هر فردک ویردیک
حصه تقدیه دن متباقی تروقی ، اوفرده خوشیجه
قوللاندر مقصد عبارت دکلدر . شو حالده ویرکو
تأدیه سنده مونسکیوجه دوشونیلان مقصدی قبول
ایتمک ، وظائف حکومتک بر قسم «همی قارشولقسنر
براققی و حکومتی ایضای وظیفه اقتدارندن محروم
ایتمکدر که هیچده شایان قبول اوله ماز .

بعض مالیند « ویرکوی ، برنوع سیغورطه
اجرتی « اوله رق قبول ایشلردر .

حالبوکه سیغورطه کی مقصد ، حاصل اوله جق
ضرری تضمین و تلافی ایتمکدر . ویرکو تحصیلنده کی
مقصد ایسه ، ضرری حاصل اولماد دفع ایتمک ،
یعنی حصوله مانع اولمقدر . بناءً علیه حکومت
سیغورطه جی اوله ماز . ذاتاً سیغورطه جی ؛ حاصل
اوله جق ضرری تضمین مجبوریتده قالدینی حالده
حکومت «ثلاً : ثابت اولان برسرقتده مال مسروقی
سارق یدنده بوله ماز ؛ و سارقه تضمین ایتدیره مزسه
صاحبه کنیدیسی تضمین ایتماز .

مالیندن ایوکیوده « ویرکو ، سرمایه ملینک
ایشلملی ایچون «مقتضی مصارف عمومی در»
دیشدر . حالوکه بر دفعه ویرکو بر مصرف دکل ،
مصرفه مقابل ، صرف ایچون آلمان پاره در .
ثانیاً : ویرکولر دثما سرمایه ملینک ایشلملی
مقصدیه آتماز .

مثلاً ملکتنک شندوفر ، پول ، کوپری

ویرکو آلینورسه. بیک غروش ایرادی اولاندنده
اون غروش آلملیدر.

یوقسه یوزغروش ایرادی اولان برغروش
ویرکو ویرکن، بیک غروش ایرادی اولان مثلاً
اوج غروش ویرسه توزیع، نسبتی و عدالتی
اجرا ایدمش، فقر ایله غنا مساوی طویش،
فقیر ایله زنیکن عین یوکک عین اقتدارده حاملری
عد ایدمش اولور.

حالبوکه برفقیر ایوکه تحمل اقتدارینه، بر
زنیکن قدر صاحب دکلدر.

چونکه تحمله اقتدار، ثروت و ایراد ایله متناسب
اوله رق آرتار. و حمله حاملک ثروت و ایراد ایله
معکوساً متناسب اوله رق، ثقلت و کثافتی تزید
ایدر. ثروت و ایراد آزالدجه ثقلت و کثافت
چوغالیر.

ذاتاً ویرکولرک توزیعده ثروت و ایرادی؛
ویرکونک ثروت و ایراد ایله تناسبی نظره آلامق
ویرکولری ترکیدن محروم ایتک، بودجه نیک ایراد
یکوننده هر سنه ثابت و معین بررقی کورمک
دیمکدر.

حالبوکه مصارف دولیه نیک - برنجی مقاله ده
اسباب مهمه سی ایضاح ایدیلان - تزاید حیرت
آوری قارشوسنده ایرادینی ثابت و غیر مترقی کورن
بر دولتک نه الیم محرومیتله، نه فجیع فلاکتله
قاتلانغه مجبور اوله جفی، نه خوف اوجورومله
طوغری یووارلانوب کیده جکی ایضاحدن
مستغیدر.

واقعا «ویرکونک ایراد و ثروتله تامله متناسب
اولسنی ایسته مک هنوز بر بدیعه خیالیه هنوز بر
تمی قلبی ماهیتده در. چونکه هر فردک ثروت
و ایرادینی طوغریجه بیلیمک فوق العاده مشکل
و دعوی وکیلری رساملر و صنایع عالیه اربابی
کبی افرادک ایرادینی بحق تقدیر ایتک همان تمتعدر.

بناءً علیه ایرادک مقدار حقیقیسی تعیین ایتک ممکن
دکلدرکه ویرکونی ایراد ایله متناسب اوله رق وضع
و توزیع ایتک قابل اولسون. «یولنده بر اعتراض
قارشوسنده بولنه جغمزی ظن ایدر و بو اعتراضی
یک حقیقی بولورز. فقط بر دفعه املاک و عقار
ایرادلرینک مقدار حقیقیسی تعیین ممکن اولدیغندن
املاک ویرکونی هر کسک ایراد ایله متناسب اوله رق
وضع و توزیع ایتکده مشکلات یوقدر.

ثانیاً: هیچ برقاعده، عدالت مطلقه نیک تجلیسند
اساس مستقل اوله مرز. انسانلرجه کمال مطلق
متصور دکلدر. الویرکه عدالت، کماله ممکن
مرتبه تقرب آرزوسی سائی حرکتی اولسون.
املاک ویرکوسندن ماعدا اولان تکالیفک
- ایرادلرک مقدار حقیقیسی حقیله کسیدریله میه -
جکندن - هر کسک ایراد ایله متناسب اولمسندگی
مشکلات، بو ویرکولردده ایرادله تناسب آرامغه
واری تأمین ایچون چاره لر تحریر ایتک مانع
اوله ماز. مشکلات سیه مانع دکل، اوکا سائق
اولمیدر.

ذاتاً ویرکولرک ایرادله متناسب اولسنی قاعده سی
مثلاً بالواسطه ویرکولرد حقیله قابل تطبیق اولسه
بیله، بلاواسطه تکالیفک بر قسمنده ممکن اوله جفندن،
ممکن اولانلردده تطبیق ایتک و مشکل اولانلردده
عدالت، حقیقه تقریه چبالامق تکالیفک هیئت
مجموعه سی ممکن مرتبه عادلانه توزیع ایتک
دیمکدرکه آدام اسیتجه ده «طلوب و ملزم اولان
بودر یعنی ویرکولر او یولده توزیع ایدلمیدرکه
هیئت مجموعه سی اعتبار ایله فقیره زنیکن، زنیکنه
فقیر بوکلشمش اولسون. هر کس کندی قزانجی
نسبتده ویرکونی ویرسون.

بعضلر «ویرکو، مصارف عمومیه اشتراک
ایچون ویریلان بر پاره اولدیغندن هر شخصک
استیلا و دعوت ایتدیکی مصرفه کوره ویرکو

و بر مبنای لازمدر . بناءً علیه و بر کولرک توزیعنده
ایرادله تناسب آرامق یرینه ، و یریلان پاره نك هر
شخصه ایدیلان مصرفله تقابل ایدوب ایتدیکنی
نظاره آلق دها طوغریدر .

شو حالد و بر کولری ثروته ، ایراده دکل شخصه
تحمیل ایتک ، توزیعده ثروتی ، ایرادی دکل ، مکلفه
ایدیلان مصرفی اساس طومتق مققتضیدر . بناءً علیه
فقیرلر ، دها زیاده مصرفی استجلاب ایده کلدکلرندن
و بر کولری زنکینلردن زیاده فقیرله تحمیل ایتک
لازمدر . « مطالعه سنده بولورلر . حالبوکه بو
مطالعه عقل و منطقدن یک اوزاقدیر . چونکه واقعا
معارف ، محاکم ، ضابطه و سایر مصارفی ایچون
تحصیل اولتان و بر کولر ، همان فقرایه صرف
اولور . محکمه لر ، پولیس لر ، ژاندارمه لر دها زیاده
فقرا ایله مشغول اولورلر . حکومت مکتبلری
اکثریتله فقیر چوجققلرک تعلیم و تربیه سیله
اوغراشیرلر . فقط بر قسم و بر کولرده واردرکه
اونلر ، زنکینلرک استحصال و تزئید ثروته واسطه
اولان مؤسسات ایچون طرح و تحصیل اولورلر .
مثلا : شمدوفر ، بول ، ریختیم ، کی تأسیساته صرف
ایدیلان پاره لر ، البته والته فقیردن زیاده زنکینک
ایشته یارار . چونکه بومؤسسات ، مبادله اموالک ،
اجرای تجارتک الک مهم وسائطنددر .

مبادله اموال ایله ، اجرای تجارتله مشغول
اولار ایسه ، فقیر دکل زنکیندر . ذاتاً تجارتک
ارکان مهمه سندن بری ، امنیت شخصیه ایسه ، بریده
امنیت موقعیه ، آسایش محلیه در .

امنیت موقعیه بولنمیان یرده امنیت شخصیه
بولنه ماز . آسایش تجارت اجرای قابل اوله ماز .
شو حالد محکمه لر ، پولیس لر ، ژاندارمه لر ، الک
زیاده فقرا ایله مشغول اوله لر بیله ینه بالتلیجه
زنکینک نفعه چالشمش اولورلر . چونکه محکمه لر
توزیع عدالت ایتدیجه ، جرائم اصحابی سریع و شدید

اوله رق تجزیه ایدلمدیجه ، مأمورین ضابطه جرائمک
وقوعنه ، وقوعندن صکره آثار جریمک احساسنه
مانع اولمدیجه ، امنیت موقعیه حصولی قابل اوله ماز که
امنیت شخصیه حاصل و سرستانه اجرای تجارت
قابل اوله بیلسون .

ایکنجی قاعده : و بر کولرک مقداری ایله زمان
و طرز تأدیه سی قانون مخصوصه معین بولمیدر .
و بر کولرک مقداری معین اولمازسه اولاً
بودجه تنظیمی قابل اوله ماز .

چونکه بودجه تخمیندر . مقدار تکالیف
معین اولینجی تخمین واردات ممکن اوله ماز . صکره
مقدار تکالیفک معین اولمامسی ظلم و اعتسافه ،
ارتکاب و ارتشایه میدان آچار . محصل ، کیف
وهوسنه کوره و بر کو طرح و توزیعنه قالدیشور
بو . حکومت ایچنده بر چوق حاکمیتلر وجوده
کله رک نفوذ حکومتک یواش یواش اریمسنی و
حکومته محبت و اطاعت یرینه نفرت و عصیان
حسلیتک قائم اولسنی موجب اولور .

مثلا : دور سابقک تکالیف معینه دن ماعدا
هر کون مختلف اراده لرله و بر کو صورتنده و یاینه
او ماهیتده اولمق اوزره اعانه نامی آلتنده بیچاره
ملته تحمیل ایتدیکی بار تکالیف آرتق تحمیلک
قات قات فوقه چیقمشدی .

بشقه بر مقاله مده ده سولیدیکم وجهله «بختسز
ملت ، احتشاممون کاشانه لرک هوای محصورنده
چینلایان آوازه خندا خندا فوج عکسکاری
قارشوسنده ایلکله رک ، چیلایق طوبراق اوستنده
وقفه کیر یأس و حرمان اولور ، قاتیغندن آرتدیر .
دینی بش اون پاره نی ، بویک رنگلی سفینه آمالک
چرخ دوارینه قوه محرکه اوله رق براقیوردی .
فقط جاهلیدی . آ کلامیوردی ، آ کلاویه میوردی .
کوندوز لابنقطع کونشک طاقت شکن حرارتی
قارشوسنده جین صافی لیمه لیمه قیزاررکن ، آقشام

زمان تأدیه مکلفجه مساعد بر زمان اولمزسه یا ویرکو تحصیل اولنه میهرق «بقایا» قالیر. ویا مکلف، قاحش فاضله پاره بولهرق بورجلمغه مجبور اولور. که هر ایکی صورت، ثروت عمومیه ایچون مضردر.

دردنجی قاعده - ویرکونک تحصیلیه خزینه به تسلیمی آره سنده ینه ممکن مرتبه آرزمان کچملی و تحصیل ایدیلان مبلغ ایله خزینه به تسلیم ایدیلان پاره آره سنده ینه ممکن مرتبه آرزق بولمیلدر. یعنی مصارف تحصیلیه قابل اولدینی قدر آرز اولمیلدر.

معلم محترمز حق پاشا حضرتلری بو دوت قاعده به «ویرکولر، آداب و اخلاقه موافق اولمیلدر» طرزنده بر قاعده ده علاوه ایدرلر.

مثلا: قومار اوزرینه ویرکو قویمق هیچ بر زمان طوغری اوله ماز. حالوکه بویولده ویرکو قویمش دولتلر واردر. موناوقو پرنسلیکی همان قومارخانه لره وضع ایتدیکی ویرکولره اداره امور ایدر.

قوماره ویرکو قویمق قومار اوینامنی تجویز ایتمک دیمکدر که او یله دولتلرک مسکین وتبل تبعه دن سفیه و اخلاقسز انسانلردن ترکب ایدمچکی شبهه سزدر، باخصوص که بوکی او یونلرده معین بر پاره نک بر جیدن دیگر جیه کچمستدن، جیلر آره سنده نقل مکان ایتمستدن بشقه بر معامله مالیه متصور اولمادیغندن مملکته فضله پاره جلبی، ثروت عمومیه نک آرتیمی امکانی بولنه ماز. بشاء علیه قومار خانه ویرکولری دائما بر مقدارده ثابت قالیر. ایزادینی ثابت و غیر متری کورن بر دولت ایسه صارقک، سیل خروشان تزیادی اوکنده مقاومته قتدار بوله ماز.

بو قاعده لره شویله بر قاعده علاوه ایتمک ده طوغری اولور صانیرم.

معتکفانه، کلیه سذک تنهائی قسوت مداینده بی تاب وتوان ایکلرکن، محتضر بر والدنک ویا زواللی بر طفل سفلیک کیسه سزلکی یوزندن برکون ایشنه کیده مزسه، بیلیم اوسنه نک قاجچی نامده کی قاجچی ویرکوسنی ویا او ماهیته کی اعانه سنی طویلامق ایچون، بوکلبده او طور مق مجبوریتندن استفاده به کان تحصیلدارک فخورانه ایندیردیکی قامچی ضربه لری آلتنده بر صیحه شکایت چیقا. رمغه کندینده اقتدار بولمزکن او بیچاره قاب شکسته - ینه بر تسلیمیت مطلقه ایله - باید قلمک جزاسی اوله جق، دیه صفحات گذشته حیائنده بر لکه، خالق معظمه قارشو ایدلمش بر عصیان، بر خطای دینی آراشدیرر، بوله مینجه ده طالع نا سازینه حزین حزین نکران اولوردی.

فقط بتون بو ظلم و اعتسافلر، بو تزییف و اشکنجه لر، پارلاق بر اختلاله، بر انقلاب ملی به مساعد زمینلر حاضر لادی. حکومت سابقه به حرمت و محبت یرینه نفرت و عصیان حسلری او یاندردی. شو حالده مقدار تکالیفک معین اولسی و معین اوله رق تحصیل ایدلمسی وضع تکالیفده اک مهم بر اساسدر.

حتی آدام اسمیت دیرکه تکالیفک معین اولسی ایچون ایرادله متناسب اولمامسی لازم کلسه بیله تناسی، ترک و اهمال ایتمک جائز و لازمدر. مقدار تکالیف کی، زمان تأدیه ده معین بولمیلدر. اگر تأدیه زمانی معین بولنمازسه، مکلف حاضر لتمامش اولور. بشاء علیه: ویرکونی یا بسبتون ویرمکدن امتناع ایدرو یا خود اهل ایدره ویرکو. «بقایا» حالته کیرر.

اوچنجی قاعده :- تکالیف، مکلفجه اک مساعد زمان و صورتده استیفا ایدلمیلدر.

مثلا: محصولات اوزرینه طرح ایدلمش بر ویرکو ایچون حصاد زمانی، زمان استیفا اوله رق تعیین ایدلمیلدر.

ویرکولر، اوپولده وضع ایدلمش اولماید که
ملکته ویرکو ویرمه دک کیمسه بولماسون .
قط هرکس وسی خارجنده بر ویرکو ایله ده
مکلف اولسون .

افراد ، اقتداری خارجنده ویرکو تحمیل
ایتمک ، مالایطاق بر تکلیفده بولمق دیمکدر .
حالبوکه جناب حق بیله انسانی، وسی نسبتده
مکلف قیلور .

حسن فرهاد

تصرف

هر عاقله هر فرد تصرف یا مفعه مجبوردر . حال
و استقبالی دوشون بر شخص تصور ایدیه مزکه
تصرفدن ضرر کورنش اولسون . هیئت عاقله
تشکیل ایدر اعضادن بری خسته لغه دوچار اولونجه ،
بر فلاکته اوغرایجه ، ایشیز قانجه ، صاحب
بیت ایسه لر اولری و اشیارلی یا نجه و سائر
آقترده ، احتیاط اوله رق حفظ اولونان پاره چوق
ایشه یارار . . . بوکی فلاکتله اوغرایانلر تصرف
یا تامش ایسه لر سفاته دوچار اولورلر . دینله بیلیرکه :
تصرف یا تاپان عاقله لر باقار کوردن فرقی دکدرلر .
تصرف ثروتک منبعی در . انکلیز اقتصاد یونندن
غویدهن دیمشدرکه : علی العموم دنیای ایکی قسمه
آیره لیدر ، بری تصرفکار اولانلر ، دیگر
سرف اولانلر . . . بوکون کوزلری قماشدیران ،
مدنیت ، سعادت اساسلری و تجارت اولری ،
سفائی ، شومندوفرلی ، قایقه لری ، کوپرولری ،
دکرنسلی وجوده کتیرن ، تصرفه رعایتکار
اولانلرک ثمره اقتصادیدر . منهک اسراف اولانلر
اسارتده قالیرلر و شایان ترحم بر موقعه بولنش
اولورلر . . .

انکلیزلرک مشهور بر ضرب مثلری وارد :

« قازاندیغه کورده کل و تصرف ایلدیکنه کوره سنک
زنکینلک و یا زوکوردلکک تعین ایدر . . . » ذکا
و آثار عقلیه سی ایله کسب شهرت ایدن پارسلی
مادام غوقرین : « تصرف ، حریت و استقلالیتک
منبعی در » دیر .

جون لویوق تصرف حقده بر چوق شیار سولشدر .
هم بر سوزنی بورده ذکر ایده جکیز : « پاره بی
یا لکیز ، بوشونه ، صافلامق وعددی چوغالتمق
ایچون تصرف ایتمک ، مسکنت ؛ کندی استقلال
و عدم مربوطیتی تأمین ایچون اداره و تصرفه
رعایت ایتمک محق و مرده نه بر حرکتدر .

فراقطن ایسه شونصیحتی ویریور . قازانمدهن
اول پاره کزی صرف ایتمکیز . یعنی تصرف
ایلدیکیز ایچینی آنک برنی طوته بیله جک قدر
پاره مالک اولمدهن صرف ایتمکیز ، صوکرما مشکل
بر موقعه قالیرسکز . . .

مأمور اولسون ، تبحار اولسون ، صنعتکار
اولسون ، عمله اولسون ، کیم اولورایسه اولسون
حریشامق ایچون بهمه حال تصرفه رعایت ایتمک
مجبوردر . پاره سز ، پولسر اولانلر ، تصرفه رعایت
ایتمه نلر ، چالیشیر ایکن پاره صافلامه یانلر ، دایما
زنکینلرک ارباب طمعک زیر اسارتده یاشارلر .

شخصلر ناصل اسارتده قالیر ایسه ، ملترده
اولیه اسارتده یاشایه بیلیر . برملتی تشکیل ایدن
افرادک قسم اعظمی تصرفه رعایتکار دکسه ، شبه
سزدرکه اولمه تصرفه رعایتکار برملت دینه مز .
افرادک تصرفه عدم رعایتی ناصل سفال و اسارت
کی نتیجه لر ویریور ایسه ملتمک تصرفه سزانی ده
عینی نتیجه لری ویرر . . .

بوکون ؛ دنیاده اک چوق تصرفه رعایت ایدن
مات فرانسزلردر . فرانسزلرک تصرفکار لیدرکه
استقراض احتیاجی حالده هرکسی کندیسنه مجلوب
ایدیور ! . . .